

CIPR – «Տիեզերք 1.0» ուսումնական փաթեթի ձեռքբերման պայմաններ

1. Ընդհանուր դրույթներ

1.1. Սույն փաստաթուղթը սահմանում է այն պայմանները, որոնց համաձայն գնորդը պատվիրում է «Տիեզերք 1.0» ուսումնական փաթեթը:

1.2. «Տիեզերք 1.0» փաթեթը հանդիսանում է **ուսումնական ծառայություն**, որը ներառում է տեխնիկական սարքավորումների տրամադրում, ծրագրային ապահովում և ուսուցչական վերապատրաստում: Գնորդը հանդես է գալիս որպես պատվիրատու՝ կոնկրետ դպրոցի համար: Ծառայությունը ուղղված է դպրոցին և չի հանդիսանում գնորդի անձնական օգտագործման ապրանք:

1.3. Փաթեթի տեխնիկական բաղադրիչները ներառում են.

- **CanSat ուսումնական արբանյակային մոդել**՝ կազմված չորս տպասալիկներից (EPS, OBC, COM, Payload), պաշտպանիչ իրանից, ալեհավաքից և մարտկոցից:
- **Վերգետնյա կայան**՝ LoRa կապի մոդուլի և ղեկավարող սարքի հիման վրա, ապահովում է երկկողմանի կապ CanSat-ի հետ:
- **Պարաշյուտ**՝ ապահով վայրէջքի համար:

1.4. Ծրագրային ապահովումը ապահովում է.

- Տվիչներից իրական ժամանակում տվյալների հավաքագրում:
- Տվյալների անլար հեռարձակում դեպի վերգետնյա կայան:
- Հրամանների ընդունում և կատարում (հետադարձ կապ):
- Վերգետնյա կայանի կողմից տվյալների ստացում, մշակում և web-հարթակի միջոցով ցուցադրում:

1.5. CIPR ՄՊԸ-ն հանդիսանում է ծառայության մատակարար և պարտավորվում է.

- Կապ հաստատել դպրոցի տնօրենի հետ և ստանալ հաստատում:
- Կազմակերպել ուսուցիչների վերապատրաստում:
- Տրամադրել ուսումնական նյութեր և սարքավորումներ:
- Ապահովել ծառայության մատուցումը արտադասարանային ուսուցման ձևաչափով:

2. Ծառայության նկարագրություն

2.1. «Տիեզերք 1.0» փաթեթը ներառում է.

- Դպրոցի տնօրենի հետ կապ հաստատում և համաձայնության ստացում:
- Ուսուցիչների վերապատրաստում:
- Ուսումնական նյութերի և սարքավորումների տրամադրում:
- Արտադասարանային ուսուցման կազմակերպման հնարավորություն:

3. Գին և վճարման կարգ

- 3.1. Ծառայության արժեքը կազմում է **600,000 ՀՀ դրամ**:
- 3.2. Վճարումները կատարվում են Paylink համակարգի միջոցով:
- 3.3. ՀՀ դրամով վճարումները նախատեսված են ՀՀ տարածքում գտնվող գնորդների համար, ինչպես նաև նրանց համար, ովքեր ՀՀ դրամով են վճարում ՀՀ-ից դուրս գտնվելու դեպքում:
- 3.4. USD և EUR արժույթներով վճարումները նախատեսված են միայն ՀՀ-ից դուրս գտնվող գնորդների համար:
- 3.5. Վճարումը համարվում է ավարտված այն պահից, երբ գումարը մուտքագրվում է CIPR ՍՊԸ-ի հաշվին:

4. Գնորդի պարտականություններ

4.1. Գնորդը պարտավոր է պատվերի ընթացքում նշել այն դպրոցը, որի համար պատվիրում է փաթեթը:

4.1.1. Եթե գնորդը չի ցանկանում կամ չի կարող նշել կոնկրետ դպրոց, ապա այդ տեղեկատվությունը կարող է թողնել CIPR-ի հայեցողությանը:

4.1.2. Այդ դեպքում CIPR ՍՊԸ-ն ինքնուրույն կհաստատի համագործակցությունը համապատասխան դպրոցների հետ՝ ապահովելով ծառայության մատուցումը:

4.2. Գնորդը պարտավոր է տրամադրել անհրաժեշտ տվյալները՝ անձնական կամ կազմակերպության փաստաթղթեր:

4.3. Գնորդը պարտավոր է վճարումն իրականացնել ամբողջությամբ և ժամանակին:

4.3.1. Մասնակի վճարման տարբերակը **չի կիրառվում որպես ստանդարտ պայման**:

4.3.2. Եթե գնորդը ցանկանում է քննարկել մասնակի վճարման հնարավորություն, անհրաժեշտ է նախապես կապ հաստատել **Նորարարության Խթանման և Հետազոտության Կենտրոնի (CIPR)** հետ:

4.3.3. Կապի համար կարող եք դիմել հետևյալ միջոցներով՝ Էլ. փոստ՝ info@cipr.am, Կայքի կոնտակտային ձև՝ <https://cipr.am/contact-2/>

5. Մատակարարի պարտականություններ

5.1. CIPR ՄՊԸ-ն պարտավորվում է.

- Կապ հաստատել դպրոցի տնօրենի հետ և ստանալ հաստատում:
- Կազմակերպել ուսուցիչների վերապատրաստում:
- Տրամադրել ուսումնական նյութեր և սարքավորումներ:
- Ապահովել ծառայության մատուցումը պայմանավորված ձևաչափով:

6. Վերադարձի և չեղարկման քաղաքականություն

6.1. Չեղարկում մինչև ծառայության մեկնարկը

- Եթե գնորդը կատարել է վճարում, բայց դպրոցի տնօրենը չի տալիս համաձայնություն փաթեթի ընդունման վերաբերյալ, CIPR ՄՊԸ-ն պարտավորվում է գումարը վերադարձնել գնորդին ամբողջությամբ:
- Վերադարձը կատարվում է նույն արժույթով և նույն վճարային միջոցով, որով կատարվել է փոխանցումը:

6.2. Մասամբ վերադարձ

- Եթե դպրոցի կողմից հաստատում ստացվել է, բայց ծառայության մատուցման ընթացքում առաջանում են խոչընդոտներ (օրինակ՝ ուսուցիչների վերապատրաստման փուլը չի իրականացվել կամ նյութերը չեն տրամադրվել ամբողջությամբ), CIPR ՄՊԸ-ն պարտավորվում է վերադարձնել գումարի այն մասը, որը համարժեք է չմատուցված ծառայությանը:
- Վերադարձի չափը որոշվում է CIPR ՄՊԸ-ի կողմից՝ հաշվի առնելով մատուցված և չմատուցված ծառայությունների արժեքը:

6.3. Վերադարձի բացառություններ

- Եթե ծառայությունը ամբողջությամբ մատուցվել է (նյութերը տրամադրվել են և ուսուցիչները վերապատրաստվել են), գումարի վերադարձ չի իրականացվում:
- Գնորդի կողմից սխալ տվյալների տրամադրումը կամ դպրոցի հետ կապի հաստատման անհնարինությունը գնորդի մեղքով համարվում է գնորդի պատասխանատվություն և վերադարձի հիմք չի հանդիսանում:

6.4. Վերադարձի ժամկետներ

- Գումարի վերադարձը կատարվում է մինչև **14 աշխատանքային օրվա ընթացքում**՝ գնորդի կողմից համապատասխան դիմում ներկայացնելու պահից:
- Վերադարձի դիմումը պետք է ուղարկվի CIPR ՄՊԸ-ին **Էլեկտրոնային եղանակով**՝ Էլ. փոստով **info@cipr.am** հասցեին:

7. Օրենսդրական համապատասխանություն

7.1. Բոլոր գործարքները ենթակա են ՀՀ օրենսդրությանը:

7.2. Վճարումները կատարվում են ՀՀ դրամով կամ արտասահմանյան արժույթով՝ ըստ գնորդի գտնվելու վայրի:

8. Ֆորս մաժոր

8.1. Կողմերը ազատվում են պատասխանատվությունից այն դեպքերում, երբ պայմանագրային պարտավորությունների չկատարումը պայմանավորված է ֆորս մաժորային հանգամանքներով՝ բնական աղետներ, պատերազմ, պետական սահմանափակումներ կամ այլ անկանխատեսելի իրադարձություններ:

8.2. Ֆորս մաժորի դեպքում կողմերը պարտավոր են հնարավորինս արագ տեղեկացնել միմյանց և փորձել գտնել փոխադարձ լուծում:

9. Վերջնական դրույթներ

9.1. Սույն պայմանները հրապարակային օֆերտա են և պարտադիր են բոլոր գնորդների համար:

9.2. Գնորդի կողմից վճարման կատարումը համարվում է համաձայնություն սույն Պայմաններ և Դրույթների հետ:

9.3. Բոլոր վեճերը լուծվում են ՀՀ օրենսդրության համաձայն:

9.4 Գնորդի և CIPR ՍՊԸ-ի միջև առաջացած անհամաձայնությունները կարող են լուծվել հետևյալ եղանակներով.

- Հեռախոսազանգի միջոցով՝ **+374 93 300277**
- Էլ. փոստով նամակագրության միջոցով՝ **info@cipr.am**
- CIPR գրասենյակ այցելելով՝ **Բագրևանդ 21/1** հասցեում

9.5 Եթե նշված միջոցներով անհամաձայնությունը չի կարգավորվում, ապա բոլոր վեճերը լուծվում են ըստ **Հայաստանի Հանրապետության Սահմանադրության և գործող օրենսդրության:**